



ANIMADVERSIONES
IN
CLASSEM TERTIAM
TRACTANTEM

De Syrupis Mellitis & Looch.

*Primo in Syrupos, è Succis compositos.
Descriptos paginâ 30.*



Syrupus Medicamentum est, cujus forma adinventata ac destinata est, ad simplicis vel simplicium, è quibus componitur virium Durationem protrahendam, & Aegrorum palato gratiam conciliandam: verum, an primo & præcipuo intento (quod est virium duratio) in hocce Medicamenti genere ubique in hoc Dispensatorio Author satisfaciat? Nunc examinandum.

Inter Syrupos simplices è Succis nonacidis compositos, tamquam prototypum & regula secundum quam omnes cæteri consimiles componi debeant, proponitur Syrupus Hederæ terrestris, in quo certè intentum primum non assequitur, cum in librarum trium & præterpropter unciarum octo evaporatione ad Syrupi perfectam consistentiam requisita, non parum de partibus Succis Volatilioribus & æthereis, non exiguae in incidendo & aperiendo efficaciae (quibus cum abundare, quisque præparationi Syrupi adstant

stans odoretenus percipere potest) inutiliter deper-
datur : hæc autem jactura , ut quodammodo resar-
ciatur , convenit , ut è *Succo præscripto* destillationi
exposito abstrahantur *uncie viginti octo* circiter ,
& reliquus ovorum albumine clarificatus cum *Sac-*
chari albi libris quatuor coquatur ferè ad *Tabularum*
consistentiam , tandem addendo de *Aqua odorifera*
prius abstracta , quantum pro *debita Syrupi* sine
ulteriori coctione *consistentia* acquirenda sufficit.

Porro superius in *Animadversionibus in Aquas è*
Succis destillatas memini , non omnes *Plantarum*
vires in Succum expressum semper transfundi ,
adeoque eas etiamnm à pressione reliquas virtute
totius turgidas relinqui , quod etiam in hac *Planta*
experimur ; quare , ut & hæc jactura reparetur , en
modum juxta quem ex omnibus *Herbarum* odore
notabili præditarum *Succis* dexterè præparari possunt
Syrupi efficacissimi totius qualitates referentes.

β. Igitur *Succi cujusvis Herbae notabili odore præ-*
ditæ recenter expressi libras sex , quibus immerge
Herbarum ejusdem speciei recentium & florescen-
tium , (si fieri possit) concisarum libras duas ac post
diariam digestionem destillando prolice *Succi odo-*
riferi præterpropter *uncias viginti octo* : *Relictam*
in fundo cucurbitæ *Herbam cum Succo* fortiter ex-
prime , expressum albumine ovorum clarificatum
cum *Sacchari albi libris quatuor* coque ad *Tabula-*
rum consistentiam , & deinde adde *Succum odorife-*
rum prius prolectum ea quantitate , ut *sine coctione* ,
sola dissolutione fiat *Syrupus* justæ consistentiæ vires
sui *simplicis* perfectè referens.

Syrupi è Succis Herbarum inodorarum ad men-
tem Authoris procedendo componi possunt , ita
tamen ut *Herbae recentes incisæ* aliquamdiu *Succo*
ante *Syrupi* confectionem infundantur ac inco-
quantur.

Syrupi

Syrupi è *Succis acidis* parentur secundum mentem Authoris, illud sedulò hic & ubique notandum, ne in *aereo* aut *auricalcino vase* ea peragatur, sed tutò semper in vase *fictili vitreato*, (ut Author etiam innuere videtur in *Confectione Syrupi* è *Succo Citri*) contingit enim *Succos acidos*, ut & *Vinum ac Acetum* acrimoniâ suâ ex similibus *Metallis* elicere qualitatem summopere Naturæ humanæ inimicam, ac pro *confortativo* qualitatem *emeticam* contrahere.

ANIMADVERSIONES

In Syrupos compositos.

Primò in Syrupum de Absintio descriptum pag. 31.

S*yrupus de Absintio compositus* satis dexterè ab Authore præscribitur; attamen unum mihi scrupulum movet, scilicet in *Syrupo Stomachico* vomitibus compescendis destinato nauseosum *Vini Phlegma* addi, unde consultum duco loco *Vini simplicis* librarum trium & semis, *Vinum ad medias abstractum* & à *Phlegmate nauseoso* ac *inutili liberum* ad uncias viginti unam substituere, hac enim methodo multò gravior efficietur *Syrupus* & efficacior.

In Syrupum de Althea descriptum pag. 31. & 32.

S*yrupus* hic ad modum præscriptum vires *ingredientium* integras in variis tamen affectibus desideratas continens ullatenus præparari nequit: *Althea* enim *Radix* quacumque arte coquatur *Mucillaginem* præbet *viscidissimam*, uti etiam *Folia Malva* & *Althea*, *Semina* autem *frigida majora* & *minora* præterquam quod *mucillaginosa* sint, etiam *oleosa* reddunt *decocta Syrupis* conficiendis inha-

inhabilia : quippè *Mucillaginæ totam & Oleositatem*, nisi clarificando ademeris, nil *Syrupo legitimo* parando utile obtinebis ; quodsi autem prædictorum *Mucillagine*, & *Oleositate*, à quibus præcipui ipsi accedunt effectus, *Syrupus* privetur, quid rogo præter nomen obtinebit? melius itaque ægrorum rei consultum iri arbitror, si ex hisce & similibus Ingredientibus non *Syrupi*, sed *Decocta* necessitate postulante parentur, cui *Emulsiones* ex *Seminibus frigidis* cum Aqua aliqua appropriata (propter *Decocti* visciditatem) factæ addi possunt, nec non *Syrupus* aliquis vel *Saccharum* pro edulcoratione immisceri.

In Syrupum de Artemisia descriptum

Paginæ 32. & 33.

Propter eandem fere rationem ob quam superius in *Syrupo de Absynthio* *Vino crudo Vinum destillatum* substituendum fuasi, hic quoque *Vinum destillatum* aut saltem *Hydromel à vappa sua*, quam in destillatione relinquit, *liberatum* accipiendum existimo.

In Syrupum Capillorum Veneris descriptum Pag. 33

IN *Syrupo Capillorum Veneris* more præcedentis *Syrupi* præparationis procedendum arbitror, scilicet ex ingredientibus post sufficientem digestionem proliciendo *Aquæ spirituosioris* præterpropter *libram unam*, postea *Syrupo* ad consistentiam crassam excocto sine ulteriori *ebullitione* (ut in aliis) reddendæ ; *Saxifragia* enim, *Betonica* & *Pimpinella* in decoctione *particulas suas tenues & volatiles*, quibus non parva aperiendi & penetrandi vis inest, protinùs in auras dispergunt.

Porro nota ab Authore circa *Capillos veneris*,
seu

feu *Rutam murariam* & *Politricum*, quare tam ferio addita sit, non capio: vel enim existimat Author in *Herbarum illarum exsiccatione* perire aliquid de *partibus earum volatilibus summe utilibus*, vel non: si prius (cui tamen ipse odor refragatur) rectè notat. Verum, quin eo supposito *Herbas illas recentes in Syrupi hujus & aliorum præparatione Destillationi* exponit, ut *particulas illas fugaces in exsiccatione* alioquin *evanidas* capteret? An forte credat aliquis *leni Exsiccatione* plus *particularum volatilium* deperdi, quam *violenta illa Coctione*, quâ pro Syrupi hujus consistentia acquirenda *sex aquæ libras* in auras evaporare necessum est? Si posterius, ad quid igitur tam seria admonitio?

In Syrupum de Cichoreo compositum.

Syrupus hic, cum pauca recipiat *Ingredientia odorifera*, adeoque *Coctionem* satis diuturnam sine virium notabili dispendio ferant, juxta præscriptum modum potest componi, si tamen hic eundem, quem in præcedentibus Syrupis modum, quis observaverit, melius is fecerit, propter *Radicem Apii & fœniculi præsertim Aquam destillatam* odore suo imbuentes.

In Syrupum de Corticibus Citri descriptum
paginâ 34.

Dexterè satis Syrupus hic ab Authore præscribitur; sed sedulo in ejus præparatione notandum ut *Oleum Citri liquori destillato supernatans* ab eo separatum, & *pauco Saccharo* exceptum demum Syrupo perfecto immisceatur.

Possset etiam hic Syrupus multò efficacior reddi, si *Aquæ spirituosæ abstractæ & ab Oleo suo separata* adhuc aliquot uncia *Corticum Citri exteriorum* minutim

nutim incisorum vel radulâ comminutorum, ac
 nodulo inclusorum immergerentur, ac post suffi-
 cientem digestionem ab *Essentificata Aqua spirituo-*
sis ac balsamicis Corticum Citri partibus imbuta se-
 parentur.

In Syrupum de Erysimò descriptum paginâ 55.

IN præparatione *Syrupi de Erysimò*, nemo, ut
 existimo, non videt, quantum Author errave-
 rit *Species* hujus Compositionis *balsamicas*, & *fra-*
grantes, ut sunt *Semen Anisi*, *Flores Stoechados*,
Anthos, *Violas* (si posteriores recentes sint) nec non
 pro parte saltem *Radices Helenii* Decoctioni tam
 diuturnæ, in qua plus, quam *sex liquoris libræ* eva-
 porare debent, subijciendo *particulas earum tenues*
 & *volatiles* fugans: quod tamen summopere mir-
 ror, cum in præcedentibus in *rerum balsamicarum*
Virtutibus conservandis adeo sagax fuerit: itaque
 nisi ea perperam huic Compositioni adjecta velis
 modum sequentem elige.

Re. Species omnes & singulas incisas & contusas,
 iisque affunde *Succi Erysimi* uncias octo, *aquæ*
communis libras octo, ac post sufficientem dige-
 stionem *destillando* abstrahere *libram unam* vel paulò
 ampliùs. Reliqua post *Destillationem* ulteriùs co-
 que adhuc ad *librarum trium consumptionem*:
 porrò reliquum expressum & clarificatum cum
Sacchari albi libris tribus & *Mellis despumati* libra
 una coque ad consistentiam satis crassam, ut cum
libra una Aquæ spirituosæ asservatæ redigatur in *Sy-*
rupum consistentem.

In Syrupum de Hysopo descriptum pag. 35. & 36.

S*yrupus de Hysopo*, an quoad inconcinnam suam
 Compositionem, an inconsideratam Ingre-
 dien-

dientium Confarcinationem & Intentum, in quod dirigitur, deterior sit, determinare non auctum:

Circa primum enim ea est *Ingredientium* plurimorum Natura, ac eorundem copia, ut *Mentisfrum*, in quo decocta fuerint, totum reddant *mucillaginosum*, imo in *Mucillaginem* ipsam totum quantum est, convertant, quod proinde (ut adhuc in *Animadversionibus in Syrupum de Althea* monstravi) *Syrupo eleganti* parando prorsus ineptum exilit.

Ast *Tragacantum*, *Semen Malvæ* & *Cydoneorum* linteo raro includi imperat Author, volens (ut puto) præcavere, ne *Decoctum* eorum *Mucagine* imbuatur. Quod, si intendat, cur *linteum rarum* & non *densum* præcipit? Ac eo casu, quid quæso ex hisce in *Decoctum* commigrabit, si *Mucillago*, quæ tota eorum est substantia, excludenda? Si autem nolit excludere, cur igitur *linteo* includenda?

Porro aliis adhuc *Syrupus* hic constat *Ingredientibus*, è quibus vix quidquam melius huic *Syrupo* virium accedit, eis nimirum, quarum potissima *virtus aperitiva* & *incisiva* in particularum *tenuitate* & *volatilitate* consistens *Coctione diuturna* in auras propellitur, ut sunt *Radices Apii*, *Fœniculi*, *Petrocelini*, & præcipuè *Hysopus* à quo hic *Syrupus* nomen suum mutuatur, licet nil minùs quam vires ejus referat.

Quoad alterum verò, nempe *Ingredientium Congestionem ac intentum* in quod *Syrupus* hic dirigitur, mirabilis profectò & Divini Numinis particeps existeret, si effectus *Ingredientium Proprietatibus* responderet; si enim Naturam eorum ac qualitates paulò attentius consideremus (supposito

fito tamen, quod *Syrupus Specierum* omnium suarum vires possideat) unus & idem ille *Syrupus* obstruet & aperiet, incrassabit & attenuabit, humectabit & siccabit, deterget, & obducat.

Obstruet quidem, humectabit, incrassabit & obducat facultatibus *Jujubarum*, *Sebesten*, *Passularum*, *Caricarum*, *Dactylorum*, *Hordei*, *Seminis Malvæ*, *Cydoneorum*, & *Gummi Tragacanti*. Aperiet, attenuabit, deterget, & siccabit, Qualitatibus, *Radicum Apii*, *Petrocelini*, item *Herbarum Hysopi* & *Capillorum Veneris*.

Utrum autem hæc de eodem Syrupo, aut alio quodam Medicamento, liceat prædicare, satis superque cuivis vel leviter instructo innotescet, dum considerat unum idemque eodem modò adhibitum & eodem tempore naturaliter non posse præstare effectus sibi appositos aut contrarios.

Cum igitur *Syrupi* hujus descriptio tantopere & Rationi, & Experientiæ contrarietur, auctor sim, ut vel ex *Hysopo recenti solo Syrupus* titulo suo respondens, aut saltem rejectis *Mucilaginosi Syrupi* conficiendo ineptis, è reliquis præscripto multò præstantior paretur. Ne tamen quid discere aut scire avido desit : en duas formulas, primam ex *Hysopo solo*, alteram ex *Ingredientibus Syrupi conficiendo aptis* superioris Descriptionis. Igitur

Rx Aquæ ex Hysopo florescente recente sine additione aquæ Simplicis destillatæ libram unam semis, (quia propter *Hysopi* ficcitatem *Succus* non facile exprimitur, neque etiam totius qualitates satis refert) immerge.

Herbæ hysopi florecentis recentis minutim concisæ uncias decem, & post duarum vel trium dierum digestionem fiat colatura cum forti expressione, expressum per subsidentiam & filtrationem clarificatum

catum interim asservetur. Porrò :

Rz Herbae Hysopi Siccae libram unam vel recentis libram unam semis, incisa coque in sufficienti quantitate Aquae fontanae ad libras tres, colaturam clarificatam cum Sacchari albi libris tribus coque ad consistentiam fere Tabularum, tandem adde superius asservatum ac essentificatum liquorem, ut sola dissolutione Syrupus iustae consistentiae emergat. vel

Rz Radicum Petrocelini,

Apii,

Foeniculi Recentium ana uncias tres,

Liqueritiae unciam unam,

Passularum mandatarum uncias duas,

Herbarum hysopi recentis & florecentis uncias sex,

Capillorum veneris dragmas sex, & post duorum vel trium dierum digestionem opposito capitulo destillando abstrahere Liquoris Spirituosioris libram unam, dein reliquum adhuc coque ad remanentiam librarum trium, colatura clarificata cum Sacchari albi libris duabus semis coquatur ad consistentiam præterpropter Tabellarum, cui adde prius abstractum & asservatum liquorem spirituosiore, & solâ dissolutione confice Syrupum.

In Syrupum de Menta descriptum paginâ 36.

Syrupus hic juxta præscriptum modum præparari potest, verum Stommacho multò amabilius efficietur ac in operando efficacior, si loco Vini crudi propter nauseosum ejus phlegma, sumatur Vini ad medias destillati libra una, augendo Succum Cydoneorum ad libras duas loco libræ unius semis, ulterius in locum Mentæ siccae sumatur recens ad libram unam, abstrahendo postmodum liquorem ad libram unam. Ulterius secundum

dùm mentem Authoris procedendo: illud tamen amicè suadeo, quò tota *Specierum* virtus sufficienter extrahatur, ut post primam colaturam & expressionem *Species aquâ affusâ* denuo coquantur ad totalem virium extractionem, *colaturam* hanc secundam cum priori & *Saccharo* coquendo ad consistentiam ab Authore indigitatam.

156

In Syrupum Myrtinum descriptum paginâ 37.

IN parando hoc Syrupo, quia *Ingredientibus adstringentibus* vim suam in residuo recondentibus constat, peculiare non requiritur artificium.

In Syrupum Papaveris albi descriptum paginâ 37.

IN Syrupo *Papaveris albi* rectè monetur, ut caveant componentes, ne *mucillagineum* evadat *decoctum*, quandoquidem *Capita Papaveris* diutius cocta *Mucillaginem* præbere soleant: certè, si hujus sui moniti memor exstitisset Author in *Syrupis de Althea & Hyssopo* in tam enormes errores non incurrisset: unum tamen in hujus *Syrupi præscriptione* sese offert, quod præterire non possum; nempe, quod *Saccharo communi albo Penidium* substituatur, quod, in quem finem fiat, non concipio; *Penidium* enim à *Saccharo communi albo* non differt, nisi penes solam ultra ordinariam *Sacchari* consistentiam, cocturam & manualetm aliquam operationem, quæ virtutem ejus non mutant, nec ullam efficaciam illi addunt, nisi quamdam friabilitatem, qua per se exhibitum faciliè in ore liquefit; in liquore autem solutum nil præ reliquo *Saccharo* peculiare obtinet, nisi fortè per opificum ac mercatorum imposturam *Amilo* adulteratum sit, quo casu penitus Syrupo conficiendo ineptum exit. Suadeo igitur, ut loco *Penidii Saccharum al-*

H

bum

bum purum sumatur, cum nihil in hoc *Syrupo* efficiat, quam pretium ejus adaugere.

In Syrupos Papaveris Erratici & Florum Camomille descriptos pag. 38.

Syrupus *Papaveris erratici* juxta præscriptum modum paretur, non tamen secundum eam normam *Syrupum Florum Camomille* rectè quis paraverit, ut alioquin innuit Author, etenim *Vis eorum Carminativa in particularum tenuitate* consistens, dum infusio cum *Saccharo* ad consistentiam coquitur, in auras dissipatur, quas alioquin operæ pretium est conservare. Unde, si quis *Syrupum* hunc exoptet, procedat in modum in *Syrupo de Hysopo recenti* indigitatum.

In Syrupum de Pæonia descriptum paginâ 38.

Quam tetri errores in *Rerum Balsamicarum & Fragrantium Coctione* committantur, in præcedentibus satis monstravi, ac præsertim in *Animadversione in Decoctum carminativum*, ubi eadem & similia, qualia ante *Destillationibus* destillaverat Author, *Decoctionibus* adscribit. Hic non dissimilia occurrunt, imo manifestiora Naturæ rerum ignorantie documenta, *Radices enim Pæoniæ*, ejusdem *Semina & Viscus Quercinus*, quæ in *Aqua Epileptica & Balsamo Embitionum* Naturæ injurius *Destillationi* minùs rectè commiserat, nunc jure merito decoquenda præscribit; quæ verò in prænominatis *Aquis* dexterè destillanda judicavit, utpote *Flores Rosmarini, Sibachados, Lavendule, Liliorum Convallium, Tiliæ &c.* hic finistrè satis ad *Decoctiones* ablegat, tacitus nimirum sui argutor, cum (ut ante apertè demonstravi) *Decoctio & Destillatio* ex Naturæ rei inter se repugnent, itaque
ne

ne diutius erroribus hisce recensendis ac resellendis inhæream ad aliam concinnio¹⁵⁷rem *Syrupi de Pœonia* præparationem festino, quæ talis est.

Rz *Species omnes incisæ & contusæ*, affunde *aquæ communis* libras sex, & post trium vel quatuor dierum digestionem abstrahatur destillando *Spirituosi Liquoris* circiter *libra una*, quâ interim attractâ, residuum ulterius coque ad remanentiam *librarum trium*, quas cum albumine ovorum probè clarificatas coque cum *Sacchari albißimi* libris duabus ad *Tabellarum* penè consistentiam, addendo tandem *Liquorem Spirituosum*, ut sola *Sacchari* solutione fiat *Syrupus*.

In Syrupum de quinque Radicibus descriptum
pagina 38. 39.

IN Syrupo hoc, cum *Radices illæ partibus Volatilibus* non minimæ in incidendo & referando efficacix gaudeant, viâ *Destillationis & abstractionis Partium Volatiliorum*, addito etiam ante *Destillationem Vini Aceto*, procedendum erit.

In Syrupum de Rosis Siccis descriptum pagina 39.

IN Syrupo de *Rosis siccis* quia solummodò vis *adstringens* in parte earundem terrestriore, in residuo *Decocto* superstite consistens, expetitur, modo ab Authore præscripto *Coctione* componatur.

In Syrupum de Scordio descriptum pagina 39.

Præfens *Syrupus* quamquam pauca ingredientia obtineat, quorum *Odor notabilis* emicet, quia tamen *Scordium* ipsum ut *Basis & fundamentum* ejusdem *particulas quasdam tenues & aërias* possidet, non parum hujus *Plantæ vim Diaphoreticam & Antiloimicam* promoventes, quæ alio-

alioquin in *Decoctione* exhalant, convenientius ejus præparatio viâ *Destillationis* instituetur.

In Syrupum de Symphyto descriptum paginâ 40.

Quia *Vis Adstringens Agglutinans, & Consolidans* in hoc Syrupo unice expetitur, eaque in residuo constanter remanet, sola *Decoctione* paretur.

In Syrupum de Stœchade descriptum paginâ 40.

In hoc Syrupo sumatur *Hydromel destillatum* propter *vappam nauseosam* alioquin Syrupo inherentem & ulterius procedatur modo allegato.

In Syrupum Violaceum descriptum paginâ 41.

Syrupus hic, ut efficacior existat saltem duas requirit infusiones.

In Syrupum de Cichoreo cum Rheo descriptum paginâ 41.

In præparatione hujus Syrupi præcipua ars in eo consistit, ut debitè *Virtus tota Purgans ex Rhabbarbo* eliciatur, in quo sat dexterè ab Authore proceditur, licet multò melius *Rheum extractum* iri existimem, si *Decoctum Syrupi de Cichoreo* ante infusionem & Decoctionem *Rhei* sit optimè clarificatum.

Nota etiam *Saccharum* cum ultima infusione ad Taballarum consistentiam coquendum, si cum *infusione prima* solâ dissolutione (ut præcipit Author) Syrupum consistentem constituere debeat.

In Syrupum Florum Persicorum descriptum paginâ 42.

In hoc Syrupo quia *Vis Purgans* tantum desideratur, juxta præscriptum modum confici potest.
Verùm

Verumtamen hic tres, aut saltem *Quatuor Flo-*
rum Infusiones intento satisfacere mihi videntur, 158
cum post eas *liquorem* ulterius extrahendo impa-
rem judicem, utpote jam satis *præcedentibus Flo-*
rum Infusionibus imprægnatum: attamen, si quis
Syrupum hunc *majori Virtute Purgante* imbueret,
ac in eo *Odoris Fragrantiam* non ingratam conser-
vare velit, procedat in hunc modum.

BZ *Florum Persicorum tantum non apertorum le-*
viter contusorum libras tres, infunde calidè in *Aquæ*
fontanæ libris quatuor per horas viginti quatuor,
dein destillando abstrahere libras tres, quibus denuo
infunde *Florum leviter contusorum* libras duas, &
post viginti quatuor horarum digestionem prolice
Aquæ Fragrantis libras duas, priorem libram unam
separatim colligendo: reliquos verò ab utraque
destillatione *Flores* fortiter expressos denudè cum
Aquæ fontanæ libris quatuor vel quinque coque le-
niter, ut quod *Virium Purgantium* in eis resistit,
ulterius eliciatur.

Porro colaturas omnes albumine ovorum cla-
rificatas cum *Sacchari albi* libris tribus coque ad
crassissimam *Mellis* consistentiam, cui demum tan-
tum de *Aqua Spirituosa & fragranti* prius collecta
uniatur, quantum ad perfectam *Syrupi* consisten-
tiam sine *Cottione* adipiscendam sufficit. Hæc viâ
obtinebis *Syrupum* integra *Florum Persicorum Vir-*
tute Cathartica, nec non *Odore fragrantè pergrato*
præditum.

In Syrupum de Polipodio descriptum pagina 42.

SI quis attentius paulò quam per transennam
Syrupi hujus ingredientia & Processus conside-
rarit, facilè deprehendet eum cæteris hinc inde
eventilla. is in erroribus minimè cedere debere:

H 3

etenim,

etenim, si in mentem revocemus verissimum illud
 saniorum Philosophorum Axioma, nempe, *reci-*
piens aliquod non recipere ultra modum suæ recepti-
vitatis, legitimè concludemus, ineptè & parum
 circumspèctè *Decocto* crasso jamtum *Polipodii* ex-
 tracto turgido Authorem novam *Specierum* molitum
 fuisse *Extractionem*: ex quo ulterius rectè in-
 fertur, *Menstruum* illud jam *trium* diversarum
trina *Coctione* sat, superque incrassatum *Foliorum*
Sennæ uncias sex (utpote præcipuis, quæ huic *Sy-*
rupo *Virtutem Catharticam* imprimere debent)
 extrahendis omninò impar existere, adeoque præ-
 cipuis viribus *Syrupum* hunc defraudari. Nec le-
 vior error in *Radicum Acori* & *Seminum Fœniculi*
 diuturna illa ac præpostera *Coctione* commissus est,
 utpote quâ (sive *Aromatisationis*, sive *correctionis*
 gratiâ addita sint) *Virtus* eorum *Stomachica* &
Carminativa, particularum tenuium & *Aromati-*
carum fugatione penitus deperditur. Verùm, ne
 diutius erroribus hisce eventillandis immorer, ad
genuinam *Syrupi* hujus *præparationem* progredior,
 quæ talis est.

Radicum Acori veri unciam unam,
Seminum fœniculi dragmas undecim, incisís &
 contusis affunde.

Infusionis Rosarum solutivarum libram unam
 semis,

Succorum depuratorum Boraginis,
Fumariæ,
Lapuli ana libram semis

Et post digestionem viginti quatuor horarum in
 loco calido destillando collige *Liquoris Odoriferi* li-
 bram unam, quæ interim servetur, sicut & *succi* cum
Radicibus & *Seminibus* à destillatione residuis. Tum

Radicum recentium Polipodii quercini libram
 unam, Mira-

*Mirabolanorum citrinorum,**Chebulatorum,*

159

Indorum ana unciam unam & semis, incisa & contusa coque in libris sex *aquæ fontanæ* ad medias, deinde reliquis a *Coctione*, ut etiam à prima *Destillatione*, expressione forti à *Menstruis suis* separatis affunde denuò quantitatem sufficientem *aquæ fontanæ*, ut, quod reliquum est Virium *Coctione* reiterata extrahatur.

Porro *colaturas* omnes tum *Succorum*, tum *Decoctorum* albumine ovorum clarificatas iteratis vicibus affunde & (quantum fieri potest) cum iis extrahe *Foliorum Sennæ* uncias sex, quæ postremò etiam cum *Aquæ simplicis* sufficiente quantitate infundantur, coquantur, & extrahantur, donec *Vi Cathartica Folia Sennæ* totaliter sint exuta.

Demum *Decoctiones omnes* & *Infusiones* lentè evaporare sine ad remanentiam *trium librarum*, quas ovorum albumine clarificatas cum *Sacchari albi* libris tribus coque ad consistentiam crassam, ut sine ulteriori *coctione* cum *Aqua odorifera* antè asservata coeat in *Syrupum* debitæ consistentiæ.

In Syrupum de Rhamno Cathartico descriptum Paginâ 43.

S*yrupus de Rhamno Cathartico* præscripto modo optimè paratur; *Aromatisatione* nimirum per *Eleosaccharum Aromaticum* institutâ, quod etiam in præcedenti *Syrupo de Polipodio* fieri posset, si *Oleum Acori seu Calami aromatici* ad manum, fit.

In Syrupum Regis solutivum descriptum pag. 43.

I*n Syrupum Regis solutivo* quam imprudenter ac inutiliter *Correctivi* loco *Aqua Fœniculi Foliorum Sennæ* *Extractioni* accommodetur, ex eo colligere

ligere licet, quod ne vestigium quidem illius post decoctum ad *debitam consistentiam Syrupum* superfit, totâ in auras evanescente; cum enim *Sacchari libris duabus Liquoris unciae quatuordecim vel quindecim* sufficiant, ut *debitam Syrupi consistentiam* adipiscaris, necessum est, ut totus, qui prædictis *unciis* superest liquor inter coquendum evaporet: cum autem *Aqua Fœniculi* (utpotè subtiliores & leviores *Aque & Fœniculi atomi junctæ*) spirituosior sit *Infusionibus Violarum & Rosarum*, sequitur eam velocitate fugæ *Aquam Infusionum* anteversuram: adeoque, quid hæc *Aqua* corrigat, aut in quem finem *Aque communi* præferatur, judicet, cui mens sana contigit. Taceo hic pauciores *Infusiones* sufficere, ut *Menstruum aqueum* ad satietatem *Violarum & Rosarum virtutibus* imbuetur.

In Syrupum Rosarum solutivum descriptum paginâ 44.

IN hoc Syrupo cum *Vis purgans* præcipuè expectatur, poterit edocta ab Authore methodo institui ejus præparatio, verum multò compendiosius, & minori *Rosarum* dispendio, cum *duodecim Aquæ libræ Rosarum libris viginti septem* extrahendis impares existant, neque hæ in illas virtutes suas integrè transfundere possint: semel enim *Aquæ Qualitatibus Rosarum imprægnatæ* amplius postmodum nihil accedit, quam *succus* eorum vehementi torcularis motu expressus juxta Axioma tritum aliquoties allegatum, *nihil potest recipere ultra modum suæ receptivitatis*. Undè quatuor, vel ad summum quinque *Rosarum Infusiones Syrupo* huic efficaciter parando sufficient, qui neque minores neque pauciores vires obtinebit, quam, si *ex vigesies reiteratis Infusionibus* constaret. Nec Autho-

thor ipse hisce dissentire videtur, dum in *Syrupo* 160
Florum Persicorum, ut *Aquâ affusâ* eorumdem viri-
 bus abundè imprægnetur, *quinque* tantum *Infusio-*
nes imperat, pariter in *precedenti Syropo Tinctu-*
ram Violarum ex *quinque Infusionibus* præscribit, in
Syrupo Florum Papaveris erratici, Camomilla, &c.
tertiò tantùm reiterandam præcipit, quod ea quan-
 titate *Aquam* eorum *Qualitatibus* saturari arbitre-
 tur; cur enim obsecro, ut *Menstruum aqueum* ad
 satietatem impleatur, plus *Rosarum* requireretur,
 quam *Florum Persicorum, Violarum, Papaveris*
erratici &c.

Hæc sunt, quæ circa legitimam *Syruporum* in
Dispensatorio Bruxellensi ultimò edito *contentorum*
præparationem monenda duxi, nunc progredior ad
 paucos alios *Lovanii* etiamnum usitatos ac secun-
 dùm *Pharmacopœam veterem Bruxellensium*
 componi solitos, quorum, ne in erroribus eorum
 demonstrandis longior sim, breviter dextram com-
 ponendi normam subjungo, paucis in *Syrupum*
Alkermes *Lovanii* per se usitatum præmissis.

ANIMADVERSIONES

In Syrupos Lovanii usitatos.

Et primò in Syrupum Alkermes.

Commendari solet *Syrupus Alkermes Monspe-*
liensium, qui, an genuinus sit, & secundùm
 Artis & veræ Rationis regulas decenter præparatus,
 breviter inquiramus *Monspelienſium Descriptionem*
 examinando, quæ talis est ad *Confectionem Alker-*
mes requisita.

„*Rz. Succi Pomorum dulcium, &*
 „*Aquæ Rosarum* (in quibus *Setæ* libra una fuerit
 „per diem naturalem infusa & multùm expressa)
 „ana libram unam semis, *Succi*

„*Succi Granorum Kermes* libram unam,
 „*Sacchari solidi* libras duas, coque ad justam
 „consistentiam.

Juxtà quam Descriptionem non parvum *Syrupo* huic pretium accedit à *Seta* seu *Serico*, ex quo, nescio quas sibi *vires Cordiales* spondeant, quamquam omninò perperam: etenim vel *crudum* vel *præparatum* adhibent: si *crudum*, illud ob *Vermes* aut *Papiliones* in eis putrefactos (quod factor in ejus præparatione satis prodit) non exigua *Malignitate* infectum est, adeoque *Qualitates cordi inimicas* potius, quam *Amicas* possidet: si *præparatum* sumatur, illud quascumque vires, antequam *Sericariorum* manus subeat obtinuerit, in frequentibus lotionibus, coctionibus, & præparationibus jam dudum amisit, adeoque *vires aliquas à Serico Succo Pomorum* & *Aquæ Rosarum* incocto frustra quis præstoleatur. Quam superflue etiam & inconsideratè *Aqua Rosarum* ad hanc Compositionem destinetur, ex *Animadversionibus in Syrupum Regis solutivum* satis colligere est. Unde patet, quam facile aliena fide & peregrino nomine contenti nobis imponi sinamus. Suaserim itaque, si *Syrupus ex puro puto Granorum Succo* obtineri non possit, ut post habitis iis, quæ alienâ fide ad nos deferuntur, ac propter fraudulentam Mercatorum avaritiam sæpè sæpius adulterantur, ipsis nostris manibus elaboremus *Syrupum præstantem* & *elegantem* cui fidere possimus in hunc modum.

℞ *Granorum Kermes* uncias tres. Quassatis affunde

Succi Pomorum curtipendulorum optimè depurati libras duas, & post vigintiquatuor horarum in loco calido digestionem & aliquot ebullitiones fiat colatura, reliquis *Granis* affundendo iterum *Succi Pomorum*

Pomorum ut prius libras duas, denuoque digestionem & aliqualem coctionem peractam coletur, & utraque colatura cum *Sacchari albi* libris duabus coquatur in *Syrupum* justæ consistentiæ, cui penè refrigerato immisce optimè

161

Olei Corticum Citri destillati dragmatum semis,
Aurantiorum scrupulum unum
Sacchari pulverisati unciam unam prius excepta: vel exprimatur mediante parvo quodam torculari
Succus Oleaginosus ex Flavedinis Corticum Citri recentium uncias duabus & *Corticum Aurantiorum* uncia una, qui *Saccharo* absorptus per minima sub finem *Syrupum* pro *Aromatisatione* commiscendus vel
 Et *Corticum Citri extimorum recentium* uncias duas.

Aurantiorum extimorum recentium unciam unam, minutim incisile & *Cucurbitæ humili* immixtis affunde *Aquæ Rosarum fragrantis* uncias quinque, & post aliquot horarum digestionem instituaturn destillatio in Balneo Vaporoso ad siccitatem *Corticum*. *Liquor Spirituosus* & fragrans interim cautè custodiatur. Dein in *Tinctura Granorum Kermes cum Succo Pomorum* elicienda procedatur ut supra: post secundam *Granorum Extractionem* in duabus ultimis libris coquendo aliquantulum residuum *Corticum* à destillatione relictum, ac demùm colaturas omnes cum *Sacchari albissimi* libris duabus coquendo ad satis crassam consistentiam, quæ *Aquam fragrantem* & spirituosam ante prolectam sine ulteriori coctione, servato *Syrupi* debito tenore, admittere possit.

Hiscæ quidem modis *Syrupus* acquireretur, eo *Monspeliensium* multò præstantior ac minori insuper pretio venalis, quod pretium alioquin sæpe in causa est, cur iis, quibus res est angusta domi

Syrupus

Syrupus hic commodè præscribi nequeat.

Syrupus de Betonica compositus.

℞ *Herbarum Betonicæ florecentis recentis manipulos tres,*

Majorana recentis manip. duos,

Thymi,

Rosarum rubrarum ana recentium manip. unum,

Florum Violarum,

Salviæ recentium,

Stœcados ana manipulum semis,

Seminum Anisi,

Feniculi,

Ameos ana unciam semis,

Radicum Peoniae,

Polipodii Quercini,

Feniculi ana dragmas quinque.

Incisis & contusis affunde in Cucurbita *Succi Betonicæ recenter expressi* libras duas, appositoque Capitello, & juncturis optimè clausis fiat Destillatio *Succi* ad totalem Specierum siccitatem: *Aqua* interim prolecta servetur ac *Speciebus reliquis* affunde *Aquæ communis* libras tres vel quatuor, coque ad remanentiam præterpropter librarum duarum, quæ probè colatæ & clarificatæ cum *Sacchari albi* libris quatuor coquantur ad consistentiam *Tabellarum*, cui demum adde *Aquam spirituosam* prius prolectam, ac sola dissolutione confice *Syrupum* præstantissimum.

Syrupus Botrios.

℞ *Herbarum Botrios,*

Erysimi,

Urticæ ana recentium manip. tres,

Tussilaginis recentis manipulos duos

incisis affunde

Succi

Succi Raporum clauso vase in furno coctorum li-
bram unam,

Aquæ communis libras sex, in Vase Vitreo fiat
Destillatio liquoris odoriferi ad libram semis præter-
propter, quâ interim servatâ reliquum ulterius co-
que ad remanentiam librarum trium, quas ab Her-
bis forti expressione liberatas ac clarificatas coque
cum Sacchari albi libris tribus ad crassam Syrupi
consistentiam, quæ asservatam Aquam odorem sine
ulteriori Coctione excipere possit.

Syrupus de Liqueritia.

Rx *Liqueritiæ rase uncias duas,*
Adianti albi unciam unam,
Hysopi florentis & recentis unciam unam.
Incisis & contusis affunde

Aquæ Rosarum libram semis,
Pluvie libras quatuor ac in cucurbita
alembico munita destillando elice Aquæ fragran-
tioris uncias circiter quinque, quibus collectis re-
liquum ulterius coque ad remanentiam librarum
duarum, quas factâ expressione & clarificatione
coque cum Sacchari albissimi unciis sedecim,
Mellis optimi unciis octo ad crassam Syrupi seu po-
tius Mellis consistentiam, ultimò addendo sine Co-
ctione quod destillatione prolectum fuit.

Syrupus Jujubinus.

Syrupus hic, quia totus ex *Mucilaginosi* & ipsa
Mucillagine præscribitur, ac proinde ejus Com-
 positio impossibilis existit, si tota ingredientium vir-
 tus ei imprimi debeat, nec instituti mei ratio postu-
 let quidquam circa *Ingredientia* immutare, ideo
 missum hunc facio *Decoctis* eorum potius (si opus
 habuero) usus.

Syrn-

Syrupus de Portulaca.

℞ *Succi Portulacæ* libram unam,
Bellidis,
Fragariæ,
Lactucæ,
Plantaginis,
Semper vivi medii,
Violarie clarificatorum ana uncias duas,
Sacchari albissimi libras duas, coque lento igne
in *syrupum* justæ consistentiæ.

Syrupus de Præssio.

℞ *Præssii albi recentis* uncias duas,
Radicum Ileos Florentinæ unciam unam,
Glycyrrhizæ rasæ
Apii,
Polipodii quercini,
Feniculi ana recentium unciam se-
mis,
Herbarum Adianti albi,
Origani,
Hysopi,
Calamintæ,
Thymi,
Scabiosæ,
Satureiæ,
Tussilaginis ana recentium unciam
unam & semis,
Seminum Anisi,
Bombacis ana dragmas tres,
Passularum exaciniatarum uncias duas,
Caricarum pinguium numero decem.
Incisa & contusa immitte *Cucurbitæ*, eisque
affunde *Hydromelitis* ante à nauseosa *Vappâ* per De-
stillâ-

stillationem liberati libras octo ac ulterius in *De-*
stillatione, *Liquoris spirituosi prolectione*, & colaturæ
 cum *Sacchari albi* & *Mellis despumati* ana libris
 duabus ad consistentiam coctione procedatur, ut
 in præcedentibus *Syrupis* insinuatum est.

Syrupus Emeticus Angeli Sala.

Circa *Syrupum* hunc, quia particulariter quæ-
 dam annotanda occurrunt, integram, ut se
 habet, Authoris Descriptionem huc transtuli.

„*℞. Vitri Antimonii subtilissimè pulverisati un-*
 „*ciam unam,*

„*Cinamomi electi,*

„*Zedoariæ ana dragmas duas,*

„*Santali rubri unciam semis,*

„*Croci orientalis dragmam semis,*

„*Aceti Rosati uncias viginti,*

„*Seminis Angelicæ dragmas duas,*

„Infundantur omnia in B. M. per horas viginti
 „quatuor, postea Balneo refrigerato colentur di-

„ligentissimè & filtrentur per chartam bibulam:

„deinde tantum *Sacchari cum Aqua Rosarum* sol-

„vatur, quantum est pondus *prædicti Liquoris*:

„Coquatur denique *Saccharum* ad consistentiam

„*Tabularum Manus Christi*, & cum *prædicto Li-*

„*quore misceatur.* Fiat *Syrupus* secundum artem.

Circa hanc Compositionem igitur duo præcipuè
 committuntur errores paululum hic eventillandi.
 Imprimis malè & frustra instituitur *Vitri Antimonii*
Correctio additione Rerum Aromaticarum, utpote
 quâ directè vi ejus *Emetica* non infringitur (quod
 à solo Nitro expectandum) nec aliud fit, quam
 quod Ventriculum corroborent, & adversus *Me-*
dicamenti vehementiam muniant operationi ejus
 reluctando, quod, dum fit, & *Naturæ* ad noxii hu-
 moris

moris expullionem insurgentis, & *Medicamenti* auxiliatricis in eundem cum *Natura* effectum conspirantis conamen evertunt, quod *Inventionis Medicamenti* intento planè contrarium existit. Etenim si *Syrupus hic Emeticus* secundum nominis etymologiam *excrementitiorum humorum saburram* è Ventriculo & partibus vicinis per *Emesim* educere debet, cur id *Medicamentis operationi* ejus contrariis debet impediri, hinc ad *Excretionem* stimulum *Naturæ* addendo, illinc quasi compedibus eam constrictam tenendo, ne etiam id, quod intenditur, queat eliminari? quo, quid stolidius, quid amethodum magis? cum, si *laxatas Ventrliculi & partium vicinarum tunicas* roborare animus est, commodiùs & consultiùs id fiat, ubi *Ventriculus peccantium humorum cloacâ* expurgatus est, quam in ipso actu, dum eadem ipsum cloacâ expurgare nitimur.

Aliud, quod moncam est, *anatinam illam Sacchari cum Liquore proportionem ad Syrupum* exiis sine *Coctione* (quod *Author* innuit) conficiendum, nullatenùs sufficere, ut proinde necessum sit aliquam adhuc *Liquoris portionem* coquendo exhalare, ut cum *Saccharo in Syrupum debite consistentiæ* concreseat: quo casu etiam simul plurimum *particularum aromaticarum* pro *Correctione* additarum in auras volabit.

Si autem quis prædictis non obstantibus *Syrupi* *hujus Aromatisationem* strictè expeteret, is sequatur modum in *Syruporum diversorum Animadversionibus* edoctum de *Rerum Aromaticarum prævia Destillatione*, vel in præcedenti *Syrupo de Rhamno Cathartico* insinuatum, nimirum *Aromatum Olea*, quæ eorum *quinta sunt Essentia* *Syrupo* jam perfecto *proportionem debita* priùs *Saccharo pulverisato* excepta addendo.

Tandem

Tandem ad quid illa *Aquæ Rosarum Saccharo* dissolvendo affusio, seu potius profusio (utpotè quæ iterum ad ultimam guttam ab eo evaporare debet) conducat, æquo lectori judicandum relinquo.

ANIMADVERSIONES

In Mellita & Looch descripta pag. 44. & sequentibus.

INipso *animadversionum* harum limine, quædam de *Melle simplici* hætenus à paucis bene perspecta, annotanda sunt: pro quo operæ pretium futurum existimo ejus *Genealogiam* brevibus perscrutari, unde facile erit eruere, quomodo *usibus Medicis* debeat accommodari, quosve effectus ex ejus debito usu nobis polliceri possimus.

Itaque notum est omnibus, præcipuè iis, qui alveariorum curam gerunt, quomodo *irrequieta & sedula* semper *Apicula* Vere ultimo & Æstatis initio cælo sereno undique circumvolitans ex optimis quibusque *Floribus & Vegetabilibus Substantiam Balsamicam* exsugat, in *Mel* velut *quintam eorum Essentiam* digerat, in alveario distinctis miro artificio scriniis recondat, ac denique in usus nostros, non sibi mellificans, ulterius elaboret.

Porro *Nectar* hoc & *Ambrosia balsamicam* tenacitatem ac *naturalem durabilitatem* in multos annos protrahendam nacta *insignes in nutriendo, laxando, abstergendo, consolidando, reliquaque ei commissa à corruptione vindicando virtutes* possidet, quæ secundum diversa Regionum Climata ac situs earum differentias in Qualitatibus enumeratis magis vel minus intenduntur.

Etenim in iis Galliæ Provinciis, quæ *Plantis* abundant *Aromaticis, ut Thymo, Rosmarino, Lavend.*

*vendula, Croco &c. Mel mirè fragrans ac odorem aromaticum referens, gustu & aspectu pergratum colligitur: in nonnullis autem aliis, quæ Plantis Floribusve scatent amaris aut tetri odoris, ut Absyn-
tio, Tanaceto, &c. Mel similiter odore ac gustu amaro & tetra plantas, è quibus collectum fuit, æmulatur. Nec parum eam Mellis varietatem intendit varia annorum temperies: annis enim præter modum humidis Mel vilissimum colligitur, ubi è contra ii quò amplius in siccitate intenduntur (modo propter eam non sterilecant) eò Mel præstantius existit. Hinc patet, non parvum in Mellis delectu occurrere discrimen, quod etiam in hisce nostris Regionibus obvium est, non solum respectu aspectus Solaris, sed etiam secundum varias locorum aut Hortorum Plantis vel Floribus unius sive alterius speciei obsitorum, in quibus Alvearia disponuntur, differentias, ex quibus omnibus inferas, non minus Mel, quam Vegetabilia eorumque partes æthereis, volatilibus ac balsamicis particulis constare.*

Porro non minimam etiam inter Mella diversitatem affert colligendi modus & dexteritas, quippe quæ Durabilitatem, consistentiam, Colorem, Saporem ceterasque qualitates eorum plurimum variant: unde contingit defectu sufficientis dexteritatis, ut utplurimum nobis pro Nectare & Ambrosia effæta & nauseosa liquamina divendantur.

Ruricolis enim plerisque in more positum est, ut, dum Apiculis Favos Mellis substrahunt, ipsi Animalculis stupidiore, ea quæ Naturæ ductu hæc scriniis suis & Alveolis distinxerunt, Mel nimirum, Propolim & Ceram cum ipsis Apibus vel vivis, vel mortuis, imo quandoque Vermibus, (quæ in Alveolis nonnumquam generantur) commi-

xtis

xtis in unum coniiciant cumulum, liquent, affuso
 liquore diluant, coquant, exprimant, omnia sus-
 que deque vertendo & confundendo, ita ut nullo
 artificio ea postmodum verè & integrè segregen-
 tur, quod tamen efficere sese arbitrantur ii, qui
Mel affusâ Aquâ violentioribus coctionibus subji-
 ciendo identidem *despumant*, nil interim aliud ob-
 tinentes, quam, quod *partes Mellis balsamicas &*
ethereas fugent ac in auras subliment, heterogenea
 interim, *Ceram* nimirum & *Propolim* intimius
 permiscentes, nobisque pro *Melle vappam* relin-
 quentes: & eam quidem *Despumationem*, si quoad
spuma sese manifestat continuarent, *totam Mellis*
substantiam in bullulas ac *nihilum* tandem abitu-
 ram experirentur. Hinc patet, quam firmo stet
 talo præscripta ab Authore *Mellis Despumatio*, &
 quam efficax nobis *Mel* conficiamus, ut proinde
 nullus ambigam, quin *Mel parum*, *viribus inte-*
gris, legitime à *Cerâ & Propoli liberatum*, nec *par-*
tibus tenuibus ac æthereis exutum, *Mel vel centies*
despumatum *Qualitatibus suis nutritivis, detergen-*
tibus, consolidantibus, &c. Multis parafangis su-
 peret. Ut autem *Mel* tale obtineamus quod à
partibus crassioribus & heterogeneis separatum, nec
 tamen *tenuioribus & balsamicis ejus atomis* castra-
 tum prærogativas omnes ac dotes ei attributas in-
 tegrè possideat, procedatur in modum sequentem.

Accipe *Mellis favos cum Melle* in iis contento
 recens ex Alveario extractos & à *partibus crassiori-*
bus separatos, immitte linteo capaci non nimis
 raro vel denso, ac adductis ad sese angulis sus-
 pende linteum suppositâ pelvi siccâ & nitidâ non
 tamen cupreâ, nisi stanno obductâ in loco tepido,
 in eoque detineatur donec *Mel* penè omne, idque
 purissimum percolatum sit, quod ad *usus Medicinali-*

nales sine ulla *Despumatione* aut ulteriori aliqua præparatione purum, durabile, ac propriis eximiffique virtutibus prægnans recondatur.

A residuis interim in linteo *Cera* & *Propoli Mel* reliquum cum pauca aqua subcalida separetur ac eluatur, quod ad justam consistentiam coctione redactum tamquam priori multò inferius pro *Mulfariis* ac ad usus ignobiliores reservandum. Hisce generaliter de delectu & legitima ac Naturæ legibus conformi *Mellis depuratione* præmissis, ac inutiles destructivæque ejusdem *Despumatione* rejectæ, ad particulares *Mellium Medicinalium* præparationes secundum *Artis* & *Naturæ* regulas edocendas progredior.

In Hydromel simplex & Oximel simplex
descripta paginâ 44.

Hydromellis simplicis præparationem *Mulfariis* relinquimus, modò ex puro *Melle*, nec (ut superius dictum) variis sordibus coinquinato elaboretur.

Quantum ad *Oximel simplex*, ne diutius futili *Mellis* ac inutiles *Despumptioni* (ut superius ad oculum demonstratum est) ac ineptæ additioni aquæ refutandæ inhæream, ad dextram ejus præparationem calamum moveo. Igitur

Bz Mellis optimi modo assignatos collecti duriusculi libras quatuor,

Aceti Vini optimi libras duas: misce super igne lento sine ulla, aut saltem paucis ebullitionibus, ne violentioribus ac diuturnis coctionibus *Acetum* multum de partibus suis penetrantioribus deperdat.

In Oximel Scillitico descriptum pagina 45.

166

IN *Oximelle Scillitico* procedatur modo præscripto, fumendo tamen loco *Mellis despumati* & importuna illa coctione *particulis suis æthereis & subtilibus* orbat *Mel simplex* & genuinum, ut in anteriori *Oximelle simplici*.

In Oximel Marubiatum descriptum pagina 45.

Circa *Oximel Marubiatum* unicè observandum, ne *particulae Marubii albi subtiliores & volatiliores*, non exiguae in aperiendo & incidendo efficaciam inutiliter adeò dilapidentur, ut in descriptione Authoris fit, *Melle solummodò Marubii Extracto crassiore* imbuto: elige itaque hunc modum.

Rz *Marubii albi recentis* libram semis: minutim inciso affunde *Aceti Vini optimi* libram semis in vase vitreo humili, & in Balneo Mariæ destillando prolice *Acetum odoriferum* ad siccitatem ferè *Marubii*, deinde *Aceto prolecto* immerge parem *Marubii recentis* quantitatem, iterumque ab eo avoca destillando *Acetum* ad uncias sex circiter, quod denuò uncis tribus *Marubii* essentificatum fervetur. Porro ex residuo *Marubio*, tum à prima & secunda destillatione, quam ultima infusione fiat sufficiente quantitate *Aquæ simplicis* affusâ *Decoctum* forte, quod colatum & clarificatum evaporet ad consistentiam *Electuarii*, & cum *Aceto superiori essentificato* dilutum cum *Mellis puri* & *crassi* uncis sedecim redigatur sine Coctione ad consistentiam *Syrupi*.

In Mel Mercuriale descriptum paginâ 45.

M*El Mercuriale*, quod intestinis crassioribus detergendis ac eluendis tantum destinetur, non magna eget Animadversione, ac proinde poterit secundum assignatam methodum, præparari *Succo depurato* injiciendo adhuc pro augenda *Mellis Virtute Detersiva Herbæ Mercurialis* incisæ & contusæ libras tres vel quatuor, quâ post aliqualem decoctionem separatâ, coquatur *Succus* cum *Melle* ad justam consistentiam.

In Mel Rosarum descriptum paginâ 45.

M*El Rosarum* præstantius multò evaderet si in hunc modum componeretur.

Rosarum rubrarum recentium libras quatuor & semis. Incisis affunde *Aquæ communis* libras quatuor, factâque aliquot horarum digestionem, destilla *Aquam* ad siccitatem ferè *Rosarum*, huic *Aquæ prolectæ* interim immerge *Rosarum rubrarum recentium* libras quatuor semis & destilla ut priùs: porrò *aquâ elicitâ* interim servatâ accipe *Rosas* ab utraque Destillatione relictas, & sufficienti *Aquæ communis* quantitate affusâ coque ad remanentiam circiter librarum octo vel decem, factâque colaturâ ac forti *Rosarum* expressione *Decoctum* clarificatum evaporet ad crassitiem *Mellis*, ac cum asservata *Aqua spiritiosa* dilutum *Mellis* legitime extracti libris decem leni calore sine ebullitione unito, tantum de *Aqua* asservata addendo, quantum ad *Syrupi* consistentiam sufficit.

In Diamorum descriptum paginâ 45.

I*N Diamoro Succo* præscripti prius optimè depurati non ad *tertiæ partis consumptionem*, sed potius ad

ad *tertiæ partis remanentiam* coquendi sunt, ac ita *Melli* puro & legitimè collecto addendi, ne *Mellis* virtutes coquendo depereant, cum fructuum tallium efficacia post longam etiam coctionem in residuo superstes maneat.

In Looch sanum & expertum descriptum pag. 46.

U Nicum hoc *Looch*, quod *sani & experti* nomine venit, non minores quàm prædicti *Syrupi* continet errores, quorum præcipui in *Particularum Aromaticarum & volatilium* maximi in attenuando, incidendo & aperiendo momenti per importunam illam cum aliis *Speciebus Coctionem* fugatione, ac *Sacchari penidii* in locum *communis albi* substitutione fundantur: qui cum antehac satis superque ad tædium usque eventillati sint, ad dextram hujus *Looch* compositionem indigitandam me converto.

Radicum Ireos Florentinae,

Seminis Anisi,

Fœniculi,

Cinamomi acuti ana unciam semis,

Foliorum Hysopi,

Calamintæ recentium ana unciam unam, incisus & contusus ac *Cucurbitæ immixtis* affunde *Aquæ communis* libram unam, & post viginti quatuor horarum digestionem fiat destillatio ad profectionem trium vel quatuor unciarum *Liquoris Spirituosioris odoriferi*, quibus servatis, residuum interim additis aliis *Speciebus* Decoctioni, destinatis incisus & contusus, ac *Aquæ communis* libris quatuor vel quinque, coque ad remanentiam circiter librarum duarum, quas albumine ovorum clarificatas coque cum *Sacchari albi* libris duabus ad *Mellis* consistentiam.

Inde

Inde ex *Amygdalis* & *Pineis mundatis* & minutissimè confusis cum *Aquæ fragrantis* priùs collectæ sufficienti quantitate fiat *Emulsio crassa* instar *Cremoris Lactis*, ita ut *Amygdalæ* & *Pineæ* totaliter per setaceum cogantur, quam *Syrupo spisso* adhuc calido optimè immisce, ac demùm inspergendo *Pulveres præscriptos*, & de *Aquæ fragrantis* adjiciendo quantum (servatâ debitâ *Looch* consistentiâ) capere potest, conquassando confice *Looch* elegans. Vel

R^z *Species omnes Decoctioni destinatas* exceptis *Semine Anisi*, *Fœniculi* & *Cinamomo*, ac coquendo procede ad mentem Authoris. Tandem cum *Decocti clarificati* quantitate sufficiente fiat *Emulsio crassa* ut ante ex *Amygdalis* & *Pineis mundatis*, quâ *Saccharo albo* cum reliquo *Decocto* ad *Mellis* consistentiam redactò ac adhuc calido unitâ, adde *Pulveres præscriptos*, nec non *Olei stillatitii Anisi*, *Fœniculi*, ana scrupulum unum *Cinamomi* scrupulum semis, sed *Sacchari pulverisati* circiter semi uncia excepta, & diligenter agitando confice *Looch* etymo suo, quam illud ab Authore præscriptum multò melius responsurum.

Quæ in classe hac circa varias *Syruporum*, *Mellium*, &c. Compositiones annotavimus, analogicè ad varias alias, tum variorum Authorum, tum *Dispensatoriorum* Præscriptiones referri possunt, cum ubique penè pares, imò enormiores multò errores occurrant, undè eadem casmetiri mensurâ cuivis, qui hæc legerit ac intellexerit, in procinctu erit.